



國家清史編纂委員會·文獻叢刊

四編

清代稿鈔本

第一九六冊

國家清史編纂委員會·文獻叢刊

四編

清代稿鈔本

第一九六冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社
·廣州·

第一九六冊目錄

庭聞錄		一
公牘雜鈔		一〇九
光緒廣東各縣辦案文卷雜鈔		一一一
道光辦理各縣洋盜匪犯文鈔		一八三
道光辦理鴉片煙案犯文料		二九二
道光廣東難民平難災旱水利業卷雜鈔		四〇六
成案存稿		五三五

庭聞錄

四卷

劉健 撰

鈔本

庭聞錄序

先中憲公居永昌日曾著吳三桂傳及滇變記二種已未
歲封橋於壁中入寶臺山避兵踰年返求故居滿目蓬
蒿

南中雜說雖行世視所失稿十之一耳滇變趾今
四十餘載談往事者無稽之言人各一說無他遠事久以
訛傳訛故也不孝健他日趨庭所受教懼久而忘因舉所
聞猶能記憶者書之於冊初分四帙錄其大概雖畧而不
詳然以視諸耳食之譚竊自以為有聞惜乎逮養之秋不

能珥筆致使今日欲問其事而無從繼自今網羅軼事勒
成書誅亂賊於既死以執報先人於地下健雖不敏不敢
不任其責也

康熙五十九年歲在庚子春三月劉健自識

庭聞錄卷一

南昌劉健述

乞師逐寇

吳三桂字月所先世由徽州至高郵州流寓遼東因家焉父驤
母祖氏祖大壽之同懷也三桂自少為邊將勇而敢戰嘗逐一
騎射之騎墮地佯死三桂下馬取其首騎揮佩刀及三桂中鼻
血流被面卒斬其首携之以歸總監高起潛起潛三桂義父大喜曰真
吾兒也上其功得優叙自此累遷總兵官鎮寧遠

吳驤字兩環以寧遠前屯中後所籍登天啓二年壬戌科武

進士累官都指揮使鎮寧遠崇正四年遼東巡撫邱禾嘉請
城大凌河朝命遼帥祖大壽帥勁旅護版築役八月大清兵
大至圍大凌絕大壽餉道禾嘉總督兵宋偉及驤救之二十
七日戰於長山

大清兵先突偉營營固連攻不能入前鋒多死移攻驤驤帥
濟南奔偉力戰至晡亦奔理敗軍罪驤坐削職是冬閏十一

月 日登州遊擊孔有德帥兵援遼兵謀於吳橋反陷登

州圍萊州萊城固守五年六月戶部右侍郎劉重慶四川道
御史王萬象並疏請開寧兵援萊初九日詔總監官高起潛

總督兵金國奇等剿賊令驤從征立功八月十九日驤從諸軍
敗賊於沙河三十日又敗賊於白馬賊入登洲九月初一日
圍登洲十一月復驤原官會國奇卒即以驤代之六年二月
十三日有德遁出海十六日復大城十八日復水城七月叙
功授驤都督同知蔭一子錦衣百戶世襲

十七年春風賊李自成自秦犯晉所至皆破畿輔大震二
月初二日薊督王永吉請撤關外四城謂前後屯失守寧
遠孤懸二百里外四面阻敵防禦極難且寇氛日迫三輔
震驚宜撤寧遠令吳三桂統邊兵守山海關即京師有警

關門之援可旦夕而至也帝問閣臣陳演魏藻德等演私
忿上有急故行永吉計事定而以棄地責我且奈何具揭
持一寸山河一寸金之說帝諭演曰棄寧遠守關誠下策
然非得已於是復集科道九卿會議德政殿聚訟不能決
主永吉議者惟大學士范景文兵部尚書張縉彥兵部侍
郎金之俊左都御史李邦華翰林學士倪元璐吏科都給
事中吳麟徵麟徵爭尤力謂寧遠孤城其勢必棄今月棄
地他日棄之為棄地不可棄地兼棄人尤不可吳三桂勇
將宜收用勿委之敵人今寇旦夕至若使來捍京師一

本朝咸京平白
道站距流河
對白程堡二
道并里山並

舉兩得又疏邊臣不可令有懼心尤不可令有死心臣讀三
桂書言切情危若有格格不忍言之意臣知其有懼心始以
裹屍自任終為父弟乞恩臣知其有死心今寇勢方張不早
徙近捍禦京師何所恃乎疏再上閣中堅執如初時吳驤為
中軍府都督羣臣請召見熟計其宜驤備陳邊兵精銳
三桂才可辦賊狀帝欲從之而廷議不一永吉之策竟
格不行及賊鋒日逼始決計調兵三月初五日封三桂
平西伯詔從寧遠之衆入援京師數十萬衆日行十數
里十六日一云十七入關二十日至豐潤聞變還居山海關

廣陵縣十三山
 辛山陵河野高
 橋野寧遠野
 東關野沙河
 山海關野
 樂亭縣
 寧遠縣
 盧龍縣
 義順里
 潤縣野
 野蘭州野
 山河縣野通
 州野京城

吳驤既降賊三桂亦以所部之衆西行赴降道遇家人來
 自京師者或云在水平沙河驛或云贊抵詰問得父被執狀莞爾曰此脅我
 降耳何患復問陳姬無恙乎陳姬名沆字圓圓吳門名妓
 得之戚畹田弘遇者也色美而善歌三桂娶之賊執驤沆
 為偽權將軍劉宗敏所掠家人以告三桂怒曰大丈夫不
 能保一女子何面目見人耶遂揮衆返艘掠而東
 陳沆之事言者多殊陸次雲陳沆傳以奪沆者為自成不
 知其為宗敏也傳文雖詳考究未確其點綴處尤多已甚
 之詞又有云崇正辛巳年田弘遇進香普院道蘇州購沆

以歸三桂奉命出鎮弘遇餞之出沅佐觸悅之以為請弘遇許
俟終年以為壽後果送至驤宅驤不敢受仍歸田氏而各
以報三桂時有入衛之命矣疾馳赴京欲乘便取沅中途
聞劉宗敏踞弘遇宅挾沅日事酣讌遂大怒出關乞師又
有云吳妓陳沅顧壽並名諫一時田弘遇以重價市壽而
沅名更高不易得會其婿王某以細故得罪欲求好無以
通媚百計賄沅以獻弘遇弘遇悅善王如初弘遇未幾卒
吳驤入都三桂使人持千金隨驤市沅既得驤遣就寧遠
京師陷劉宗敏踞弘遇宅聞陳顧名索之壽從優人私逸

而沅先為三桂市去於是斬友^優人七而繫驤索沅驤具言送
寧遠已久宗敏不信拷掠驤二說叙田氏得沅之由彼此微
異至謂三桂入衛之時方欲取沅與謂在寧遠者皆非也惟
吳偉業圓之曲為得其真當日梅村詩出三桂大慚賄求燬
板偉業不許三桂雖橫卒無如何也

自成聞三桂之來而復返也

或云去二十七日還聞

命偽相牛金星為驤作書

招之曰爾以皇恩特簡得專閫任非以屢戰功也不過謂強敵
在前非有異恩激勸不足以誘致英士此管子所以行賞罰之
命而漢高見韓彭則予重任之類也今爾徒飾軍容快需觀望

使李兵長驅深入既無批吭搗虛之謙復無形格勢禁之力事
勢已失天命難回吾君已矣爾父須臾嗚乎識時者可以知所
變計矣昔徐亢直棄漢歸魏不為不忠伍子胥違禁適吳不為
不孝然以二者揣之為子胥難為亢直易我為爾計不若反手
銜壁負鎖舁棺及今早降不失公侯之位而猶全孝子之名萬
一徒恃憤驕全無節制主客之勢衆寡之形不敵頃甲堅城一
朝殲盡使爾父無辜並受僇辱身名俱喪臣子均失不亦大可
慟哉語云知子者莫若父吾不能為趙奢爾殆有疑於括也降
將唐通亦遺書招之三桂不答上書於父畧曰桂以父陰熟聞

義訓得待罪戎行日夜勉志冀得一當以酬主眷屬邊緊方亟
寧遠為國門戶淪陷幾盡桂方力圖恢復以為李賊猖獗不久
即當撲滅恐往復道路兩失事機故爾暫稽時日不意我國無
人望風而靡吾父督理御營勢非小弱魏、萬雉何至一二日
便至失墜使挂捲甲赴國事已後期悲恨何極側聞主上宴
駕臣民僂辱不勝眦裂獨憶吾父素負忠義我大勢雖去猶當
奮挺一擊誓不俱生否則刎頸闕下以殉國難使桂亦縞素
號慟仗劍復仇不濟則以死繼之豈非忠孝媿美乎何乃隱
忍偷生訓以非義既無孝寬集侮之才復媿平原罵賊之勇